



**O'ZBEKISTON RESPUBLIKASI NAMANGAN VILOYATI  
NORIN TUMANI HOKIMINING  
QARORI**

2021 - yil 8 - iyun

18-6-83-Q/21

Norin tuman hokimligi

**Наманган вилояти ҳокимининг 2021 йил 17 майдаги “Ўзбекистон Республикаси Президентининг “Махсус иқтисодий ва кичик саноат зоналари муҳандислик-коммуникация инфратузилмасини янада ривожлантириш чора-тадбирлари тўғрисида” 2021 йил 30 апрелдаги ПҚ-5101-сон қарори ижроси ҳақида”ги 16-6-0-Q/21-сонли қарори тўғрисида**

Ўзбекистон Республикаси Президентининг “Махсус иқтисодий ва кичик саноат зоналари муҳандислик-коммуникация инфратузилмасини янада ривожлантириш чора-тадбирлари тўғрисида” 2021 йил 30 апрелдаги ПҚ-5101-сон ҳамда Наманган вилояти ҳокимининг 2020 йил 17 майдаги 16-6-0-Q/21-сонли қарорларини туманда ижросини ўз вақтида таъминлаш мақсадида, Ўзбекистон Республикасининг “Маҳаллий давлат ҳокимияти тўғрисида”ги Қонунининг 6 ва 25-моддаларига мувофиқ,

**Қ А Р О Р Қ И Л А М А Н :**

1. Наманган вилояти ҳокимининг 2021 йил 17 майдаги “Ўзбекистон Республикаси Президентининг “Махсус иқтисодий ва кичик саноат зоналари муҳандислик-коммуникация инфратузилмасини янада ривожлантириш чора-тадбирлари тўғрисида” 2021 йил 30 апрелдаги ПҚ-5101-сон қарори ижроси ҳақида”ги 16-6-0-Q/21-сонли қарори раҳбарлик ва амалда ижросини таъминлаш учун қабул қилинсин.

2. Ўзбекистон Республикаси Президентининг 2021 йил 30 апрелдаги ПҚ-5101-сон қарори билан:

2021-2022 йилларда махсус иқтисодий ва кичик саноат зоналари, ҳудудларни ижтимоий-иқтисодий ривожлантиришга тўртки берадиган лойиҳалар ҳамда тўғридан- тўғри хорижий ва маҳаллий инвестициялар иштирокидаги йирик ишлаб чиқариш лойиҳаларини ташқи муҳандислик-коммуникация тармоқлари билан таъминлаш тадбирлари параметрлари 1-иловага мувофиқ;

2021 йилда махсус иқтисодий ва кичик саноат зоналарини ташқи муҳандислик- коммуникация тармоқлари билан таъминлаш бўйича амалга ошириладиган чора- тадбирларнинг манзилли рўйхатлари (кейинги ўринларда - манзилли рўйхатлар) 2 ва 2а- иловаларга мувофиқ тасдиқланганлиги;

манзилли рўйхатларга ажратилган маблағлар доирасида Вазирлар Маҳкамаси томонидан қўшимча лойиҳалар (объектлар)ни киритиш, шунингдек, тегишли лойиҳаларни чиқариб ташлаш бўйича ўзгартириш ва (ёки) қўшимчалар киритилиши мумкинлиги белгилаб қўйилганлиги;

Ўзбекистон Республикаси Президентининг “Ҳудудларда муҳандислик-коммуникация инфратузилмасини янада ривожлантириш чора-тадбирлари тўғрисида” 2020 йил 18 декабрдаги ПҚ-4929-сон қарорига мувофиқ бюджет ссудаси маблағлари республика бюджети маблағлари ҳисобидан 5 фоиз ставкада уч йил муддатда қайтариш шарти билан ажратилиши кўзда тутилганлиги маълумот учун қабул қилинганлиги эътиборга олинсин.

3.Қуйидагилар тумандаги кичик саноат зоналари ҳамда тўғридан-тўғри хорижий ва маҳаллий инвестициялар иштирокидаги йирик ишлаб чиқариш лойиҳаларининг ташқи инфратузилмасини қуриш-таъмирлаш ишлари бўйича:

ичимлик суви ва оқова сув тармоқларини қуриш, реконструкция қилиш ва таъмирлаш ишлари бўйича - “Сув таъминоти ва канализация объектларини қуриш бўйича инжиниринг компанияси” унитар корхонаси туман бўлими (Х.Мавлонов);

автомобиль йўлларини қуриш, реконструкция қилиш ва таъмирлаш ишлари бўйича - Автомобиль йўллари қўмитаси ҳузуридаги “Минтақавий йўлларга буюртмачи хизмати” давлат унитар корхонаси туман бўлими (Л.Бўстонов);

электр энергияси билан таъминлаш ишлари бўйича - “Наманган худудий электр тармоқлари корхонаси” туман бўлими (Б.Бахриддинов);

табiiй газ етказиб бериш ишлари бўйича - “Худудгаз таъминот” Норин филиали (К.Иноятхаджаев)лар ташқи инфратузилмасини қуриш-таъмирлаш ишларини таъминласинлар.

4.Наманган вилоят ҳокимининг 2021 йил 17 майдаги 16-6-0-Q/21-сонли қарорига асосан:

худудларни ижтимоий-иқтисодий ривожлантиришга туртки берадиган лойиҳаларнинг муҳандислик-коммуникация тармоқларини қуриш (таъмирлаш) ишлари бўйича - “Наманган вилояти ҳокимлиги ҳузуридаги Ягона буюртмачи хизмати” инжиниринг компанияси (Д.Матмусаев) буюртмачи этиб белгиланганлиги;

“Наманган вилояти ҳокимлиги ҳузуридаги Ягона буюртмачи хизмати” инжиниринг компаниясининг 2020 йилда тугалланмаган ва йилдан йилга ўтувчи кичик саноат зоналарини ташқи муҳандислик-коммуникация тармоқлари билан таъминлаш ишлари ва кредитор қарздорликларни қоплаш бўйича буюртмачи функцияси сақланиб қолинганлиги;

манзилли рўйхатларда назарда тутилмаган лойиҳалар (объектлар) ҳамда манзилли рўйхатларга киритилиб, лойиҳа-смета ҳужжатларига асосан маблағлар етишмаган лойиҳалар бўйича уларни қуриш-таъмирлаш билан боғлиқ қўшимча харажатлар халқ депутатлари вилоят Кенгашларининг қарорларига асосан тегишлилик бўйича вилоят, шаҳар ва туманлар маҳаллий бюджетларининг қўшимча манбалари ҳисобидан қопланиши белгилаб қўйилганлиги маълумот учун қабул қилинсин.

5.Иқтисодий тараққиёт ва камбағалликни қисқартириш бўлими (Ш.Салоҳиддинов), тегишли ташкилотлари билан биргаликда бир ҳафта муддатда янгидан ташкил этилиши режалаштирилаётган кичик саноат зоналарини қонунчиликда белгиланган тартибда расмийлаштиришни таъминлаш юзасидан Иқтисодий тараққиёт ва камбағалликни қисқартириш бош бошқармасига таклиф киритсин.

6.Норин тумани махсус иқтисодий зоналари маъмурий кенгашлари (Ж.Нурматов, А.Гаффаров)га қуйидаги тадбирларни мувофиқлаштириш вазифаси юклатилсин:

таъминотчи ва буюртмачи корхоналар томонидан махсус иқтисодий ва кичик саноат зоналари, ҳудудларни ижтимоий-иқтисодий ривожлантиришга туртки берадиган лойиҳалар ҳамда тўғридан-тўғри хорижий ва маҳаллий инвестициялар иштирокидаги йирик ишлаб чиқариш лойиҳаларига ташқи муҳандислик-коммуникация инфратузилмасини яратиш учун марказлашган тармоқларга уланишда энг яқин (марказлашган тармоқлар) ҳудудни танлаш;

ташқи муҳандислик-коммуникация инфратузилмасини яратиш билан боғлиқ тадбирларга зарур маблағлар бўйича лойиҳа-смета ҳужжатларининг ишлаб чиқилиши ва экспертизадан ўтказилишини назорат қилиш;

ҳар ой якуни билан талаб этиладиган маблағларнинг манбалари ва миқдорини ҳисоб-китоб қилган ҳолда Иқтисодий тараққиёт ва камбағалликни қисқартириш вазирлиги ҳамда Махсус иқтисодий ва кичик саноат зоналари, ҳудудларни ижтимоий-иқтисодий ривожлантиришга туртки берадиган лойиҳалар ҳамда тўғридан-тўғри хорижий ва маҳаллий инвестициялар иштирокидаги йирик ишлаб чиқариш лойиҳаларини ташқи муҳандислик-коммуникация инфратузилмаси билан таъминлашга Давлат бюджетидан маблағлар ажратилишининг мақсадга мувофиқлигини аниқлаш бўйича махсус комиссияга (Т.Ишметов) аниқ асосланган маълумотларни тақдим этиб бориш;

келгусида махсус иқтисодий ва кичик саноат зоналари, ҳудудларни ижтимоий- иқтисодий ривожлантиришга туртки берадиган лойиҳалар ҳамда тўғридан-тўғри хорижий ва маҳаллий инвестициялар иштирокидаги йирик ишлаб чиқариш лойиҳалари билан бир қаторда аҳоли пунктларини ташқи муҳандислик-коммуникация тармоқлари билан таъминлаш даражасини ҳам инобатга олиш.

7.Туман ҳокимининг биринчи ўринбосари (Ж.Нурматов), тегишли ташкилотлар билан биргаликда кичик саноат зоналарининг бош режалари лойиҳаларини ишлаб чиқиш, лойиҳа ҳужжатларини экспертизадан ўтказиш харажатлари туман маҳаллий бюджетларининг қўшимча манбалари ҳисобидан қопланишини таъминласин.

8.Қурилиш бўлими (А.Сафаров) объектларга қурилиш, реконструкция ишлари амалга оширишда лойиҳа-смета ҳужжатларини белгиланган тартибда давлат экспертизасидан ўтказиш ва қурилиш-монтаж ишларининг сифатли бажарилиши устидан давлат назоратини ўрнатсин.

9.Мазкур қарорнинг ижросини назорат қилиш туман ҳокимининг биринчи ўринбосари Ж.Нурматов ва туман ҳокимининг ўринбосари - инвестициялар ва ташқи савдо бўлими бошлиғи А.Гаффаров зиммаларига юклансин.

Туман ҳокими



Д.Кадиров